

ՈՐՈՇՈՒՄ N 3/7
ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԳԻՏԱԿԱՆ ԽՈՐՀՐԴԻ

տասնյոթը դեկտեմբերի 2012 թվականի

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԻԶԵՎԱՆԻ ՄԱՍՆԱՃՅՈՒՂԻ 2011-2012
ՈՒՍՏԱՐՎԱ ԳՈՐԾՈՒՆԵՈՒԹՅԱՆԸ ՀԱՎԱՆՈՒԹՅՈՒՆ ՏԱԼՈՒ ՄԱՍԻՆ:

Լսելով Երևանի պետական համալսարանի Իջևանի մասնաճյուղի 2011-2012 ուստարվա գործունեության մասին հաշվետվությունը՝ ԵՊՀ գիտական խորհուրդը որոշում է.

1. Տալ հավանություն Երևանի պետական համալսարանի Իջևանի մասնաճյուղի 2011-2012 ուստարվա գործունեությանը:
2. Որոշումն ուժի մեջ է մտնում ընդունման պահից:

ԵՊՀ ԳԻՏԱԿԱՆ ԽՈՐՀՐԴԻ ՆԱԽԱԳԱՀ

Ա. Հ. ՄԻՄՈՆՅԱՆ

Տ Ե Ղ Ե Կ Ա Ն Ք

ԵՊՀ Իջևանի մասնաճյուղի 2011-2012 ուս. տարվա գործունեության մասին

Երևանի պետական համալսարանի Իջևանի մասնաճյուղի համար հաշվետու ժամանակաշրջանը եղել է զարգացման ռազմավարական ծրագրի /2011-2015թթ./ շրջանակներում իրականացվող կրթական բարեփոխումների, կրթության որակի ապահովման և վերահսկման ինքնավերլուծության, ենթակառուցվածքների աշխատանքների կատարելագործման տարի: Կրթական ծրագրերի ընթացիկ մշտադիտարկման և պարբերական վերանայման հանձնաժողովի միջոցով, հաստատված կարգի համապատասխան, դիտարկման են ենթարկվել և վերահաստատվել կրթական ծրագրերը:

Ավելի է կարևորվել ուսանողների մոտ գործնական և կիրառական հմուտությունների զարգացումը: Բարեփոխումների պահանջներին համահունչ մասնաճյուղի ուսումնական պլաններում ծանրաբեռնվածության կենտրոնը տեսականից տեղափոխվել է պրակտիկ կարողությունների զարգացման: Ավելի հետևողական աշխատանքներ են տարվել ուսումնական պլաններով նախատեսված պրակտիկաների համար համապատասխան բազաների ընտրության և տեղերում ուսանողների պրակտիկան ավելի նպատակային կազմակերպելու ուղղությամբ:

Հիմք ընդունելով ԵՊՀ-ում գործող կանոնակարգերը՝ մասնաճյուղում մշակվել և գիտական խորհրդի կողմից հաստատվել են ուսումնական նորացված կանոնակարգեր: Մշակվել և հաստատվել են նաև մասնաճյուղի գործունեության տարբեր ոլորտների աշխատանքների համակարգման վերաբերյալ ընթացակարգեր և կարգեր:

Մասնաճյուղի չորս՝ բնական և հումանիտար գիտությունների, տնտեսագիտության ու կիրառական արվեստի ֆակուլտետներում, և հեռակա ուսուցման բաժնում, հաշվետու տարում ուսանողների թիվը եղել է 1647, որից 253-ը անվճար ուսուցման համակարգերում, 1394-ը՝ վճարովի:

Կրթօջախն իր առջև դրված նպատակների ու խնդիրների առաջընթացն ապահովող ուսանողամետ ռազմավարական ծրագրի /2011-2015թթ./ իրականացման համար ձգտում է ապահովել բավարար նյութատեխնիկական բազա, բարձր որակավորմամբ դասախոսական կազմ: Դասախոսական կազմը հիմնականում հրավիրված է Երևանի պետական համալսարանից և համալրված գիտական կոչումներ ունեցող, մասնագիտական բարձր կարողությունների տեր տեղացի կադրերով:

Զգալի աշխատանքներ են տարվել մասնաճյուղի դասախոսական կազմի գիտական, ուսումնամեթոդական որակաորման բարձրացման ուղղությամբ:

Երիտասարդ դասախոսներից 8-ը գիտական խորհրդի կողմից Երևանի պետական համալսարանի մասնագիտական ամբիոններում հայցորդ ձևակերպվելու երաշխավորություն են ստացել: Դասախոսներն ընդգրկվել են կրեդիտային համակարգով դասախոսների որակավորման բարձրացման դասընթացներում՝ Իրենց հնգամյա անահատական ծրագրի իրականացման պլաններին համապատասխան:

Հաշվետու ժամանակաշրջանում մասնաճյուղի դասախոսների կողմից հրատարակվել են՝ 1 դասագիրք, 4 մենագրություն, 3 ուսումնական ձեռնարկ, 8 ուսումնամեթոդական ձեռնարկ, 93 հոդված, 6 զեկուցումների թեզիս: Հոդվածների զգալի մասը տպագրվել է, ԲՈՀ-ի ցուցակում ներառված, մասնաճյուղի «Ակունք» գիտական հոդվածների ժողովածուում, բնական գիտությունների թեմաներով հոդվածները տպագրվել են <<Ակունք>>-ի հավելված հրատարակման մեջ: Ուսանողների ներկայացրած հոդվածները, գիտական ընթերցումների նյութերը հրատարակվել են մասնաճյուղի <<Ուսանողական զեկուցումների շարք>> հանդեսում:

ԵՊՀ Իջևանի մասնաճյուղի ռազմավարական խնդիրներից են կապերի հաստատումը և համագործակցությունը տարածաշրջանային և միջազգային նշանակություն ունեցող համալսարանների և քոլեջների, կրթական և գիտական կազմակերպությունների հետ, ուսանողների և պրոֆեսորադասախոսական կազմի փոխանակման ծրագրերի, արտասահմանյան բուհերում վերապատրաստման կազմակերպումը: Համագործակցությունը ազգային և միջազգային խոշոր հիմնադրամների հետ, իտալերեն, ֆրանսերեն, անգլերեն լեզուների տարածումը՝ ուսուցման կենտրոնների հիմնադրումը: Իր գործունեության ընթացքում Մասնաճյուղը համագործակցության առաջարկի արձագանքներ է ստացել ՀՀ-ում ԱՄՆ-ի, Ֆրանսիայի, Գերմանիայի և Իտալիայի դեսպանատներից, ինչպես նաև, Բարեգործական ընդհանուր միությունից: Միջազգային համագործակցության ասպարեզում այս ուսումնական տարում մեծ ներդրում ունեցավ <<Ֆրանս-հայկական բարեկամություն և փոխանակում>> ասոցիացիան:

Միջազգային համագործակցության շրջանակներում ԵՊՀ Իջևանի մասնաճյուղի և ԳՌԵՖ /GREF/ թոշակառու մանկավարժներն առանց սահմանների/ ֆրանսիական հասարակական-կրթական կազմակերպության միջև կնքվեց կրթական համագործակցության պայմանագիր: Պայմանագիրը նպատակ ունի համագործակցելու ինչպես ֆրանսերեն լեզվի ուսուցման բնագավառում, այնպես էլ դասավանդողների և վերապատրաստողների վերապատրաստմանը: 2011-2012 ուստարվա ընթացքում ԳՌԵՖ ներկայացուցիչներն իրականացրեցին իրենց զարնանային առաքելությունը՝ մանկավարժական վերապատրաստում համալսարանում:

Արտաքին կապերի զարգացման նպատակով Ֆրանսիայի հանրապետության Վալանս քաղաքի տեխնոլոգիական համալսարանի ներկայացուցիչների հետ կազմակերպվել է հանդիպում, երկու բուհերի միջև կնքվել է փոխհամագործակցության պայմանագիր:

Մեծ ուշադրություն է դարձվել կոռուպցիոն ռիսկերի երևույթների կանխմանը: ՀՀ ԿԳՆ <<կրթական համակարգում կոռուպցիոն երևույթների դեմ պայքարի 2011-2012թթ համալիր գործողությունների ծրագրի>> պահանջների համաձայն կազմվել և գործողության մեջ է դրվել հակակոռուպցիոն ծրագիր, որի մասին իրազեկվել է ուսանողներին և դասախոսներին: Ծրագրի շրջանակներում բոլոր քննություններն անց են կացվում գրավոր կարգով և հանձնաժողովների միջոցով, որոնցում ընդգրկված են տնօրենության, դեկանատների, ամբիոնների և ուսանողական խորհրդի, կրթության որակի վերահսկման հանձնաժողովի անդամներ: Քննությունները կազմակերպվում են բաց և թափանցիկ: Ներդրվել է նաև ուսանողների բողոքարկման կարգ: Նման համակարգը, երբ բոլորի գնահատականները քննարկվում են ուսանողների հետ և նոր գրանցում տեղեկագրերում, հանգեցրել է դրական արդյունքների: Յուրաքանչյուր քննաշրջանի ավարտից հետո, ուսումնական աշխատանքները համակարգողների և ուսխորհրդի ներկայացուցիչների հետ համատեղ, իրականացվում է բոլոր դասախոսների անանուն գնահատում ուսանողների կողմից, կատարվում՝ վերլուծություններ, քննարկումներ:

Մասնաճյուղի զարգացման ռազմավարական ծրագրի շրջանակներում գիտական խորհրդի որոշմամբ կատարվել են կառուցվածքային փոփոխություններ, որոնք միտված են ուսումնամեթոդական, կրթության որակի բարելավման աշխատանքներին:

Ուսումնամեթոդական բաժինը վերակազմավորվել և դարձվել է ուսումնամեթոդական վարչություն՝ իր երկու բաժիններով. ուսումնական գործընթացի պլանավորման և ծրագրամեթոդական աշխատանքների և կրթական որակի ապահովման և գնահատման:

Մինչհամալսարանական կրթության և հեռակա ուսուցման բաժինն իր գործունեության մեջ հավասարապես կարևորել է թե՛ համալսարանական և թե՛ մինչհամալսարանական ուղղությունները, որի արդյունքում զգալիորեն մեծացրել է բաժնի աշխատանքի ծավալը:

Ելնելով մինչհամալսարանական կրթության և հեռակա ուսուցման բաժնի աշխատանքների արդյունավետությունը մեծացնելու անհրաժեշտությունից՝ վերակազմավորվել են երկու բաժիններ. հեռակա ուսուցման բաժին, մինչհամալսարանական կրթության և մասնագիտական կողմնորոշման բաժին:

Հաշվետու ժամանակաշրջանում մասնաճյուղի ռազմավարական ծրագրի /2011-2015թթ/ իրականացման էական ձեռքբերում պետք է համարել <<Կիրառական արվեստ>> մասնագիտության գծով, առկա ուսուցմամբ մագիստրոսի որակավորման աստիճանով,

մագիստրատուրայի բացումը, որով հնարավորություն ստեղծվեց շնորհալի շրջանավարտների համար ստանալու շարունակական մասնագիտական կրթություն:

Շրջանավարտների աշխատանքի տեղավորման խնդիրը մասնաճյուղի ռազմավարական ծրագրի կարևորագույն խնդիրներից է:

Այդ առումով մեր հիմնական նպատակն է նպաստել մարզի և հանրապետության այլ բնակավայրերի աշխատանքային շուկայում մասնաճյուղի շրջանավարտների առավել մրցունակ դառնալուն: Ինչպես նաև ամրապնդել շրջանավարտների և մասնաճյուղի միջև մշտական կապն ու համագործակցությունը, օժանդակել մասնաճյուղի շրջանավարտներին և ուսանողներին, որպեսզի նրանք ճիշտ կողմնորոշվեն աշխատաշուկայում, արձագանքեն դրա մարտահրավերներին և բարձր մակարդակով ներկայանան գործատուին: Այդ ամենն իրականացնելու համար մասնաճյուղի շրջանավարտների և կարիերայի կենտրոնը համագործակցում է բազմաթիվ տեղական կազմակերպությունների և գործատուների հետ:

Տեղական ինքնակառավարման մարմիններում, բանկային և հարկային համակարգում, դպրոցներում և այլ բնագավառներում մրցութային կարգով ընտրվել և հաջողությամբ աշխատում են մասնաճյուղի բազմաթիվ շրջանավարտներ:

Մարզի դպրոցներում մանկավարժական աշխատանքի անցնելուն մեծապես նպաստեց ՀՀ կրթության և գիտության նախարարության կողմից մասնաճյուղի <<010500-կիրառական մաթեմատիկա և ֆիզիկա>> մասնագիտության կրթական ծրագրում փոփոխություններ կատարելու և ծրագրի շրջանավարտներին <<ուսուցչի>> որակավորում տալու թույլտվությունը:

Հեռակա ուսուցման բաժնի շրջանավարտները, որոնց մեծ մասը հաջողությամբ համատեղելով ուսումը աշխատանքի հետ, ապահովեցին իրենց մրցունակությունը աշխատաշուկայում:

Հաշվետու ժամանակաշրջանում զգալի աշխատանք է կատարվել մասնաճյուղի նյութատեխնիկական բազայի բարելավման ուղղությամբ: Փոխվել, նորացվել է Ուսանողական 3 հասցեի մասնաշենքերի ամբողջ տանիքը, հիմնովին վերանորոգվել են արխիվի սենյակները, փոխվել են կիրառական արվեստի և բնական գիտությունների ֆակուլտետների մասնաշենքերի պատուհանները, վերանորոգվել են 3 արվեստանոցները և երեք լսարանները, նորացվել է գույքը:

Համամասնաճյուղային համակարգչային կենտրոնի նորացված հարմարավետ սրահները հագեցվել են ժամանակակից համակարգիչներով, պրոյեկտորներով: Բնական գիտությունների ֆակուլտետի ուսումնական գործընթացը ավելի արդյունավետ կազմակերպելու նպատակով համամասնաճյուղային համակարգչային կենտրոնի սրահներից մեկը դարձվել է մասնագիտական համակարգչային լաբորատորիա:

Տնտեսագիտական ֆակուլտետում ստեղծվել է օնլայն լսարան, աշխատանքներ են տարվում բոլոր մասնագիտությունների համար ստեղծելու առցանց լսարաններ:

Ընդլայնվել է գրադարանը՝ ընդարձակ ընթերցասրահով, որտեղ գործում են ինտերնետային մուտքով համակարգիչներ: Ուսումնական ծրագրերի պահանջներին համապատասխան կատարվել է շուրջ 700 անուն գրականության ֆոնդի համալրում, հարստացվել էլեկտրոնային գրադարանը:

Ուսումնական ծրագրերին համապատասխան դասավանդվող առարկաների վերաբերյալ դասախոսների դասախոսության նյութերը մասնաճյուղի ամբիոններում նախապատրաստվել և գրադարանին են տրվել տպագրված և էլեկտրոնային տարբերակով: Կատարելագործվել է մասնաճյուղի համացանցային կայքը, ընդլայնվել է համակարգչային ներքին ցանցը, որը նպաստում է գործավարության էլեկտրոնային կազմակերպմանը:

Ինչպես միշտ, հաշվետու ժամանակաշրջանում ևս լուրջ ուշադրություն է դարձվել մասնաճյուղի աշխատակիցների և ուսանողների, սոցիալական վիճակի, հանգստի և առողջության խնդիրներին: Խիստ կարիքավորներին /շուրջ 70 աշխատակիցների/ հատկացվել է որոշակի նյութական օգնություն:

Առաջադիմության արդյունքներով, նպաստ է տրվել 156 ուսանողի, բարձր առաջադիմության և հասարակական ակտիվություն ցուցաբերած 126 ուսանողի հատկացվել է նաև կրթաթոշակ, իսկ վճարովի համակարգի 112 ուսանողի՝ ուսման վարձի զեղչեր:

Ժամանակի պահանջներին համապատասխան բարձր որակավորում ունեցող շրջանավարտներ տալը ԵՊՀ Իջևանի մասնաճյուղի գերխնդիրն է: Հաշվետու ժամանակաշրջանում մասնաճյուղի գործունեությունը ամբողջությամբ նպատակամղվել է այդ խնդրի իրագործմանը:

ԵՊՀ ԻՄ ՏՆՕՐԵՆ

Ս. Ա. ԱՌԱՔԵԼՅԱՆ